

天津縣志卷之一

紀

恩志

兼紀 聖製及臨幸盛典

臣聞周禮標饒遠之旨而洪範載近光之文要之法行自邇推恩之序然也天津去

京師三百里而近為天官之家削大司徒之稍地當聖聖相承之世被澤獨先雖九河下稍民艱日告而雨露

既渥罔不懷新

詔諭所播具載大猷百年愷澤深且裕矣敬合宸翰冠之外史以志斯民之感永永無極兼紀

天津縣志


卷之一 紀恩

一

臨幸者見東郊之步皆保釐德意也志紀恩

順治元年九月十一日

勅長蘆都轉鹽運使司運使茲以鹽賦國計攸關長蘆宜加清理仍照明朝近例運使職銜照道臣體統行事以重事權當此商竈兩弊革故鼎新之日首在約束衙門供事等官及吏胥各役使之一遵法紀不敢作弊生事擾害商竈監司本源既正方可表帥屬僚用循職業嚴查場竈戶丁稽核派銷引目飭捕役以緝私鹽節供費以催徵納剔胥蠹以疏積壅悉照近日戶部鹽政覆議



逐款舉行凡行鹽之地事關稽查勾攝銷引催課經管州縣皆有統屬不得違禁玩令自干叅處所屬各官如有貪污溺職縱役侵漁應提問者先行提問州縣等官應劾奏者轉報巡鹽御史劾奏敕中開載未盡事宜爾酌呈巡鹽御史停當施行仍聽該御史考成舉劾爾受茲委任須持廉秉公搜奸革弊上不虧賦下不病商斯稱厥職毋蹈明朝陋習貪黷成風因循闕冗貽誤國計責有所歸爾其慎之故敕

康熙二十五年九月初九日

諭戶部自古帝王撫馭有軫念民依凡鞠謀生養爲計甚

天津縣志

卷之一 紀恩

二

周猶以賜復蠲租爲布德行仁之要務朕嘉與海內元元共圖樂利弛征減賦時厯於懷惟頻渙恩施俾萬姓得沾實惠念直隸畿輔重地天下根本寬租之詔屢沛往年但順永保河較之畿南諸府差役倍多供億尤劇應加軫恤又湖廣雲南福建四川貴州地方昔年爲賊竊踞民漕苦累今雖獲有寧宇更宜培養以厚民生應一體蠲免用昭愷澤直隸順永保河四府及四川貴州兩省所有康熙二十六年應徵地丁各項錢糧俱著蠲免二十五年未完錢糧亦著悉與豁除湖廣湖南福建兩省所有康熙二十六年下半年二十七年上半年地

丁各項錢糧及二十五年未完錢糧亦與盡行豁免爾部速行該地方通行曉諭務使人民均被恩膏以副朕愛育蒼生至意如有不肖有司官役借端朦混及私行重徵者該督撫指名題叅從重治罪如該督撫徇隱不行糾舉或經叅奏或被告發定行一併從重治罪爾部卽遵諭行特諭

康熙二十五年十二月

諭戶部朕惟自古帝王撫馭寰區勤宣德意必軫恤民隱加惠閭閻俾黎元樂業比戶豐盈而後化協時雍治登隆理朕念切民依鞠謀生養欲使群生樂利乾止寧成

天津縣志

卷之一 紀恩

三

惟頻行減賦蠲租庶萬姓得沾實惠前念直隸畿輔重地王化所宜先大沛恩膏用培邦本而順永保河四府地方人民較之畿南差役倍多煩苦故將康熙二十六年地丁各項錢糧同湖南福建四川貴州四省錢糧盡與豁免比慮兵餉或有不敷真順廣大四府地方未經一體蠲免今聞此四府人民間有艱苦朕心深爲軫念宜速施渥澤均示仁恩著將此四府康熙二十六年地丁各項錢糧盡行蠲免爾部速行地方官通行曉諭務使人民均沾實惠以副朕愛育蒼生至意如有不肖有司官役借端朦混私行重徵者該撫指名題叅從重治

罪如該撫狗隱不行糾舉或經叅奏或被告發定行一併從重治罪爾部卽遵諭行特諭

康熙二十八年十一月初六日

諭大學士今歲京師附近地方遇旱穀用勿登小民資生無計雖錢糧俱已蠲免加恩賑賚給以帑金而求糴米粟亦覺維艱依然無食困於生計朕念之每爲憫然也頃朕躬詣

山陵所過之地諮問民間疾苦閱視被災情形不僅艱難於米粟而已也雖燔藝之薪藁亦無之饑寒交迫曷以爲生若不及時善加賑恤必致流移失所朕日夜焦勞

天津縣志

卷之一 紀恩

四

不安於懷今茲適遇饑饉公家莊田及諸王以下大臣庶官殷實人等莊田積聚糧穀可酌量助給又直隸鄉紳富民有積穀者並令助給散賑其散給帑金務令實給小民以爲薪樵之用如此似於饑民方有裨益汝等與九卿詹事科道官會同詳議以聞

康熙二十九年正月初十日

諭戶部朕撫育黎元早夜孜孜惟厚生是亟重念積貯民之大命曾屢頒諭旨令各地方大吏督率有司於豐稔之年曉諭編氓務令多積米糧俾俯仰有資凶荒可備乃比年以來未見實心奉行閭閻蓋藏不能充裕常平

積穀視等具文卽如畿輔近地偶罹旱荒民間蓄積鮮少致爲補苴之術嗣後直省總督巡撫及司道府州縣官員於積穀事宜切實舉行務令戶有餘糧倉庾充牣縱遇儉歲艱食無虞以副朕愛養生民至意如有仍前玩愒苟圖塞責儻遇災歉漫無儲備者將該督撫及地方各官一併從重治罪爾部卽遵諭通行

康熙二十九年二月初三日

諭內閣九卿詹事科道昨歲畿輔荒歉朕慮民食維艱或至流離道路旣蠲除其田租矣復特發帑金三十萬兩并動支常平倉粟令該撫徧行賑貸蓋期災黎得所毋

天津縣志

卷之一 紀恩

五

使離散也今聞通衢相近之民雖已獲霑恩澤而僻壤窮簷究不能以自存致於越鄉去土者甚衆夫小民流移若此則司牧大吏所賑救者安在耶前所發三十萬帑金未審如何散給所在人民有無轉徙應遣部院大臣往加詳察至於四方流民率多就食京師今年五城粥廠雖經倍給銀米寬爲其期但恐饑氓漸集無以遍贍罔克均霑慈惠宜增設粥廠擇各部滿漢賢能司官俾親賑焉爾等其會議以聞

康熙三十二年十一月二十五日

上諭戶部朕念切民生時厯宵旰或在宮禁之中或經巡

省之地務以編氓疾苦備悉諮詢其從各省來京陛見官員及往來奉使人等亦無不以該省雨澤曾否應時田畝有無收穫並閭閻資生情形一一體訪比年以來因國家經費尙充遂將各省地丁額賦及舊欠錢糧節次蠲免卽從前未經停徵之漕糧亦逐年免徵總欲海隅蒼生培固元氣庶臻於家給人足之風今歲畿輔地方雖禾稼未獲稔收初意小民餬口之需猶足資給未必生計遂致艱難頃者展謁

山陵沿途察訪民隱見今歲雨水過溢田畝被淹沒者甚

多穀耗不登米價翔貴又聞順天河間保定永平四府

天津縣志

卷之一

紀恩

六

所屬皆然目前米價卽貴將來春夏之際時值益昂小民必艱粒食此朕目所親覩若來歲錢糧仍然徵收朕心實有未忍順天河間保定永平四府康熙三十三年應徵地丁銀米著通行蠲免所有歷年舊欠悉與豁免行文該撫曉諭各屬務令人霑實惠以副朕子育黎元至意爾部卽遵諭行特諭

康熙三十三年二月初一日

上諭內閣據戶部所察霸州等十州縣存貯米五萬七千五百餘石穀八百石天津衛存貯米一萬石穀四萬四千一百餘石此米穀現在倉與否足以賑給與否若足

用則以餘米平價糶與百姓可行與否山東漕糧截留數萬石平價糶賣則穀價不騰於民大有裨益今輓至何州縣平價以糶應截留米若干萬石卽遣戶部司官一員至巡撫郭世隆處令其逐一迅速詳議付彼齎奏
康熙三十四年正月二十六日

上諭內閣去歲於直隸山東河南山西陝西江南諸省下詔捕蝗諸郡國盡皆捕滅蝗不爲災農田大獲惟鳳陽一郡未能盡捕去歲雨水連綿今歲春時若或稍旱蝗所遺種至復發生遂成災沴以困吾民未可知也凡事必豫防而備之斯克有濟其下戶部速勅直隸山東河南山西陝西江南諸巡撫準前制亟宜耕耨田畝令土瘞蝗種毋致成患若或田畝有不能盡耕者蝗始發生卽力爲撲滅毋使滋蔓爲災

康熙三十四年六月十五日

上諭大學士近要兒渡決口及天津以南此二處其相視河之故道可開河或達之海或達之大河者其識之於十月間奏聞當遣人往視

康熙三十四年九月二十四日

上諭戶部直隸順天保定河間永平四府所屬地方今歲水潦傷稼三農歉收朕巡幸所至編加諮訪聞高阜之

產尙有秋成而卑下之田被潦者多計所收穫不能相敵雖經勘災頒賑不致此儻失所而須辦錢糧若仍行徵取則民力匱乏難以輸將朕心深切不忍著將四府康熙三十五年地丁銀米全與蠲免用示寬恤其霸州雄縣香河寶坻四處皆有水道可以轉輸每處著發米一萬石各差司官一員齎往照彼地時價減值發糶以資民食著行文該撫通行曉諭俾均霑實惠副朕軫念災黎至意爾部卽遵諭行特諭

康熙四十二年二月初五日

上諭永定河分司朕觀黃河險要地方應下挑水埽壩現

天津縣志

卷之一

紀恩

八

今永定河朕親指示挑水等工俱有裨益爾遵照朕指示式樣前往烟墩九里岡龍窩三處築挑水壩數座試看有無裨益雖被衝壞無妨完工之日令該地方官盡心防守如有蟄陷不時修葺可將此旨傳總河張鵬翮速派賢員令其多備物料夫匠於朕回鑾之前完工需用錢糧與爾無涉不可經手工完將用過錢糧記明具奏如遇桃汛水發卽行停止

康熙四十三年十月初七日

上諭戶部今歲直隸地方雨暘應候禾稼有秋各郡民生皆獲安恆業惟是去歲山東被災之民自冬月以迄春

夏流離轉徙入順天河間境內甚多於時設厰煮糜所
在賑救因而米價至今未減誠恐近畿一路閭井小民
絀於生計是宜加恩寬恤用弘休養順天河間二府屬
康熙四十四年應徵地丁銀米著通行蠲免該巡撫卽
飭府州縣官張示徧諭務俾窮鄉僻壤均霑實惠以副
朝廷優軫畿輔黎氓至意爾部卽遵諭行特諭

康熙四十五年五月十七日

上諭戶部朕宵旰圖維勤求民隱每欲敷蠲貸之恩以爲
閭閻留有餘之力直隸山東地方四十二年偶遇災沴
因特免山東四十三四兩年額賦並四十一年以前積

天津縣志

卷之一 紀恩

九

欠錢糧直隸則順天河間兩府四十四年額賦亦俱豁
免今雖屢年收穫民氣漸舒而所有宿逋尙應輸納朕
念黎元方有起色辦賦猶艱一時新舊並徵勢難兼應
宜更加寬恤以弘休養直隸自康熙四十一年至四十
三年各府屬未完民欠銀八萬二千七百兩有奇糧五
千九百石有奇山東省康熙四十二年各府屬未完民
欠銀一百六十九萬一千七百兩有奇糧五千九百石
有奇或見在徵取或分年帶徵俱著通行蠲免俾小民
悉除逋負之累儻應徵舊欠有見完納在官者卽准抵
本年正賦諭旨到日各該撫速行所屬有司徧示曉諭

有不肖官吏朦溷徵收不與開除明白者該撫卽時叅劾嚴加治罪爾部卽遵諭行特諭

康熙四十五年十月二十五日

上諭戶部朕子育黎元日求所以休養利濟之道念惟賜租減賦實有裨益於民生直隸各省錢糧次第全蠲一年者業經數舉獨是歷歲逋負積累加增舊稅新徵勢難兼辦縱使少寬民力分年帶輸而督令續完仍多拮据朕睠懷及此深切軫恤是用蠲逋已責大沛恩膏俾閭閻獲免追呼官吏亦不罹叅罰直隸山東積欠錢糧今年俱已蠲免其山西陝西甘肅江蘇安徽浙江江西

湖北湖南福建廣東各省自康熙四十三年以前未完地丁銀二百一十二萬二千七百兩有奇糧十萬五千七百石有奇著按數通行豁免或舊欠已完在官而見年錢糧未完足者亦准扣抵諭旨到日各該撫立行所屬張示徧諭有不肖有司以完作欠朦溷銷算及開除不清者該督撫卽時題叅嚴加治罪爾部卽遵諭行特諭

康熙四十九年十月初 日

上諭戶部朕恭膺

天眷祇承

列祖鴻庥統御萬方子育兆庶厯懷至治宵旰靡寧幸際海
宇同風邊隅嚮化遐邇中外帖然衽席之安者是皆仰
荷

天地

祖宗福祐之所致也方朕八齡踐祚之初

太皇太后問朕何欲朕對臣無他欲惟願天下治安生民樂
業共享太平之福而已迄今五十年矣惓惓之心未嘗
一日少釋每思民爲邦本勤恤爲先政在養民蠲租爲
急數十年以來除水旱災傷例應豁免外其直省錢糧
次第通蠲一年蠲及數省一省連蠲數年者前後蠲除

之數據戶部奏稱通共會計已逾萬萬朕一無所顧惜
百姓足君孰與不足朝廷恩澤不施及於百姓將安施
乎朕每歲供御所需槩從儉約各項奏銷浮冒亦漸次
清釐外無師旅饟饋之煩內無工役興作之費因以歷
年節損之儲蓄爲頻歲渙解之恩膏朕之蠲免屢行而
無國計不足之慮者亦恃此經畫之有素也比來省方
時邁已歷七省南北人民風俗及日用生計靡不周知
而民生所以未盡殷阜者良由承平旣久戶口日蕃地
不加增產不加益食用不給理有必然朕洞矚此隱時
深軫念爰不靳敷仁用甦民力明年爲康熙五十年思

再沛大恩以及吾民原欲將天下錢糧一概蠲免因衆大臣集議恐各處需用兵餉撥調之際兵民驛遞益致煩苦細加籌畫悉以奏聞故自明年始於三年以內通免一週俾遠近均霑德澤直隸奉天浙江福建廣東廣西四川雲南貴州各巡撫及府尹屬除漕項錢糧外康熙五十年應徵地畝銀共七百二十二萬六千一百兩有奇應徵人丁銀共一百一十五萬一千兩有奇俱著察明全免竝歷年舊欠共一百一十八萬五千四百兩有奇亦俱著免徵其五十一年五十二年應蠲省分至期候旨行民間舊欠旣經豁免嗣後每年額徵錢糧務天津縣志

卷之一

紀恩

三

如數全完儻完不及額或別有虧空託稱民欠則負國甚矣卽責令督撫以下官員償補仍從重治罪夫地方大吏以及監司守令皆與吾民誼均休戚者也誠克體朕孳孳保赤之懷實心愛養力杜侵牟朘削則閭閻咸得衣食滋殖無有失所而爲官吏者亦身名俱泰豈非昇平樂利之盛事歟爾部移文各督撫諭旨到日卽刊刻頒布徧示窮簷令咸知悉特諭

康熙五十四年十月三十日

上諭戶部朕早夜孜孜軫懷民瘼四方水旱時勤諮詢惟恐閭閻之蓋藏未足一遇儉歲收穫失望窮黎卽無以

資生也直隸順天保定河間永平宣化五府所屬地方
今歲雨水過溢田畝被淹者甚多穀耗不登民艱粒食
現今緩徵賑借雖惠澤頻施而來春應辦錢糧若仍行
徵取則民力匱乏輸將難繼著將五府州縣康熙五十
五年地丁銀八十五萬五千八百兩零糧米豆穀一十
一萬五千五百石零草九萬四千九百束零俱通行蠲
免爾部行文該督遍飭所屬實心奉行俾窮鄉僻壤均
沾朝廷德意倘有不肖官吏私徵侵蝕者察出定行從
重治罪爾部卽遵諭行特諭

康熙五十五年閏三月二十二日

天津縣志

卷之一 紀恩

三

上諭戶部朕惟民爲邦本必年穀順成家給人足乃愜朕
撫育元元之意自御極五十餘年宵旰孜孜無論遐方
近地編民疾苦必備悉諮詢設有水旱蠲賑頻頒務講
求實惠霑被群生蓋不徒事軫恤之虛文也直屬順永
保河宣五府去歲雨水過溢穀耗不登因全蠲額賦發
米減糶今巡撫趙弘燮以目下正當青黃不接之時順
永二府米價騰貴疏請借道庫銀六萬兩委員赴乏米
州縣貴買賤賣朕思閭閻蓋藏未裕本地出米無幾以
銀易米恐米價反致翔涌現今京通二倉積米甚多不
如將舊米分發二十萬石於各州縣賑濟乏食窮黎官

無轉售之勞民獲現在之米於地方大有裨益且畿輔地近京師輓運亦易著大學士等會同九卿速行詳議具奏特諭

康熙五十六年四月十一日

上諭大學士九卿倉內米石甚多着分運直隸各府州縣存貯預備於民甚有裨益每府或貯萬石每州縣或貯數千石附近通州河道者交與倉場總督等運送其餘府州縣所運米石速行文直隸總督派地方官乘未雨之先輓運值此青黃不接之時於各府州縣平糶亦大有益於百姓其江南浙江如有應行截留漕糧將截留天津縣志

卷之一

紀恩

古

若干之處爾等一併速議具奏

康熙五十六年十一月二十五日

上諭戶部朕撫馭寰宇五十餘年夜寐夙興爲小民勤求生遂凡率土遠近皆期共享樂利聿成家給人足之休未嘗一日不厯諸懷也數十年以來各省正賦屢經全免歷年積欠亦已蠲徵偶有雨澤愆期或發倉廩散給或截漕糧賑救不啻數萬萬金錢糧米穀頻沛恩施誠念窮簷之艱慮其至於顛連失所耳近者民力雖已稍紓然念分年帶徵銀兩若不格外優寬則小民一歲所獲分納二年之賦以其贏餘養贍室家斷難充足朕每

懷及此軫惻良深宜更加殊恩通行豁免今將直隸安徽江蘇浙江江西湖廣西安甘肅等八處帶徵地丁屯衛銀二百三十九萬八千三百八十兩有奇概免徵收其漕項雖例不准免亦著破格施恩將安徽江蘇所屬帶徵漕項銀四十九萬五千一百九十餘兩米麥豆一十四萬六千六百一十餘石內免徵各半爾部卽行文該督撫嚴飭所屬實心奉行徧加曉諭俾民間無徵催之累均霑實惠用稱朕撫卹群黎至意倘有不肖有司借端朦混私行徵收者該督撫嚴察叅處如該督撫失察一併從重處分爾部卽遵諭行

天津縣志

卷之一 紀恩

五

康熙五十八年五月初六日

上諭戶部朕幸熱河一路麥苗盈野收成頗佳但麥熟之歲往往雨水早而且多朕留心稼穡歷年最久所見如此爾部卽速傳諭直隸河南山左山右口外地方速將已收之麥晾乾入屯收貯以免潮濕壞爛則今年所收足用二年矣

雍正元年七月初八日戶部遵

旨議覆遣官往

盛京江西湖廣採買米糧奉

上諭南方差漢御史或給事中一員動正項錢糧買米僱

覓民船運來此項米石買畢卽行起運趕上漕船可以先到卽先來如其不能在何處遇見卽隨便行走此係官買之米若交與地方官恐派累小民亦未可定不必交與地方官運送著派同知通判等官一員協同買米之員管運到京武職內派守備一員押運到淮之日總漕處派守備一員更換盛京差滿官一員去近據內府佐領等奏稱現今莊頭等將窖米一十一萬五千四百八十四石糶賣一半其餘一半米石暫行存貯俟得新糧於次年糶賣再庫內現存銀內留下七千五百餘兩其十萬兩交與何處請旨此派去之員一到盛京將錦

天津縣志

卷之一 紀恩

六

州等處將軍府尹所管內府佐領所存米石查看總數於近海口處兌十萬石卽將內府佐領等所存庫銀動用僱覓民船裝運如倉內現存米石數目不敷動盛京錢糧買米運送再天津衛係總會之所理應修建倉廩其應建幾倉之處八月間送

梓宮時爾等面傳諭旨與直隸巡撫著直隸巡撫會同天津總兵官定議具題建造

雍正元年七月十三日

諭倉場侍郎糧運關係國儲必須遄行無阻始得及早抵通自楊村至通州河道多有淤淺糧船起剝每至耽延

以致回空凍阻并誤新漕著該督嚴飭坐糧廳查看河道有淤淺處作速挑濬深通毋使阻滯並知會天津總兵官用心催趕且天津一帶地方有販賣私鹽等弊糧船不許停泊火速趲行直抵通州至抵通後速行起卸交倉毋得需索抑勒苦累軍丁朕去年親自閱倉知漕糧過壩一晝夜可五萬袋可見交卸甚易爾等加意督催務使空船早得回南新漕亦可無誤漕運一事朕親身閱歷纖悉洞知爾等倘不盡心料理或因勒索致有遲延責無所諉

雍正元年十月初五日

天津縣志

卷之一 紀恩

七

上諭內務府直隸省州縣亦可與爾衙門文移往來如莊頭人等有在州縣地方生事者著該州縣官員竟行呈報爾衙門爾等查問訓飭若不悛改卽行斥革著行文直隸巡撫凡有皇莊州縣地方通行曉諭至各莊頭交糧時須逐一查問將生事之人嚴加訓飭不肯悛改者卽行斥革

雍正二年二月二十日

上諭戶部朕軫念民依時厯宵旰遇有旱澇災荒惟恐窮黎失所雍正元年因直隸山東河南山西二麥歉收特遣廷臣發粟賑濟錢糧照被災地方分數已經蠲免停

徵嗣蒙

天庠雨暘時若四省秋成豐稔少慰朕懷但念四省頻歲荒歉較別省爲甚今百姓元氣方復若將兩年舊欠併於本年徵收民力不支爾部速行文各巡撫查明實在舊欠若干據實題報分作三年帶徵其已收在官者速飭起解毋令不肖有司借端蒙混致滋虧空

雍正二年二月二十日

上諭直省督撫朕惟四民以士爲首農次之工商其下也漢有力田孝弟之科而市井子孫不得仕宦重農抑末之意庶爲近古今士子讀書砥行學成用世國家榮之

天津縣志

卷之一 紀恩

六

以爵祿而農民勤勞作苦手胼足胝以供租賦養父母育妻子其敦龐淳樸之行豈惟工賈不逮亦非不肖士人之所能及雖寵榮非其所慕而獎賞若當有加其令州縣有司擇老農之勤勞儉樸身無過舉者歲舉一人給以八品頂帶榮身以示鼓勵

雍正二年閏四月初四日

諭直省總督巡撫社倉之設原以備荒歉不時之需用意良厚然往往行之不善致滋煩擾官民俱受其累朕意以爲奉行之道宜緩不宜急宜勸諭百姓聽其自爲之而不當以官法繩之也近聞各省漸行社倉之法貯蓄

於豐年取資於儉歲俾民食有賴而荒歉無憂朕心深爲嘉悅但因地制宜須從民便是在有司善爲倡導於前留心稽核於後使地方有社倉之益而無社倉之害此則爾督撫所當加意體察者也又聞民間輸納錢糧自封投櫃亦屬便民之法但偶有短少之處令其添補每至多方需索其數浮於所少之外理應將原銀發還仍於原封內照數補足交納庶可免多索之弊此雖細事督撫大吏亦不可不留心體察嚴飭有司以除民累

雍正二年八月十三日

上諭滿洲兵丁於技勇武藝俱已精練惟向來未習水師

天津縣志

卷之一

紀恩

九

今欲於天津地方設立水師營分撥八旗滿洲前往駐防操演似屬有益其應於何處駐劄設立幾營派兵若干用船若干並如何製造船隻如何演習兵丁之處可會同拉錫朱軾張廷玉蔣廷錫詳議具奏

雍正三年七月十一日

上諭舊歲直隸總督李維鈞奏稱畿輔地方每有蝗蝻之害土人虔禱於劉猛將軍之廟則蝗不爲災朕念切痼瘼凡事之有益於民生者皆欲推廣行之且禦災捍患之神載在祀典卽大田之詩亦云去其螟蟥及其蠹賊無害我田穉田祖有神秉畀炎火是蝗蝻之守古人亦

未嘗不藉神力以爲之驅除也曾以此密諭數省督撫留意以爲備蝗之一端今兩江總督查弼納奏稱江南地方有爲劉猛將軍立廟之處則無蝗蝻之害其未曾立廟之處則不能無蝗此乃查弼納偏狹之見譏諷朕惑於鬼神專恃祈禱以爲消弭災禳之方也其他督撫亦多有設法祈雨祈晴之奏者夫天人之理感應不爽凡水旱蝗蝻之災或朝廷有失政則

天示此以警之或一方之大吏不能公正宣猷或郡縣守令不能循良敷化又或一郡一邑之中風俗澆漓人心險僞以致陰陽沴戾災禳薦臻所謂人事失於下則天道變於上也故朕一聞各直省雨暘愆期必深自修省思改闕失朝夕乾惕必誠必敬冀以挽回

天意爾等封疆大吏暨司牧之官以及居民人等亦當恐懼修省交相誡勉改愆悔過崇實去僞夫人事旣盡自然感召

天和災禳可消豐穰可致此桑林之禱所以捷於影響也蓋惟以恐懼修省誠敬感格爲本至於祈禱鬼神不過借以達誠心耳若專事祈禱以爲消弭災禳之方而置恐懼修省誠敬感格於不事是未免濬流而舍其源執末而遺其本矣亦安有濟乎况

上天好生栽培傾覆原因物之自召而愚民無知每遇水旱不知返躬省咎更爾多生怨憾罪愆重增此乖戾之氣上干

天和以致頻遭降罰荒歉連年多由於此也朕實有見於天人感應之至理而斷不惑於鬼神巫禱之俗習故不惜反覆明晰言之內外臣工黎庶其共體朕意

雍正三年七月二十八日奉

上諭今歲天津等處地方被水米價甚是騰貴去歲盛京曾由海運糧十萬石著行文將軍綽奇府尹尹泰等將伊等地方糧十萬石由海運至天津新倉俟到日交與天津縣志

卷之一 紀恩

三

地方官收貯將盛京等處倉內收貯舊米每年糶賣易進新米所出舊米若足十萬石卽行運送倘不足十萬石著酌量賤價買足十萬石之數運送今歲收成之處尙未深知不可遽定若果豐收價賤卽行買運若價值騰貴有不便之處卽令將軍綽奇等將不便之處奏明再若有自海運糧之商人不必禁止聽其運至天津貿易不許他往著給事中增壽前往再著都察院派漢御史一員將此交部轉行將軍綽奇等

雍正三年八月初三日

上諭今年天津一帶雨水頗大著將漕糧截留二十萬石

存貯天津新蓋廩內其截留事宜照雍正元年舊例行
雍正三年八月十一日奉

上諭滿洲兵丁於技勇武藝俱已精練惟向來未習水師
今欲於天津地方設立水師營分撥八旗滿洲前往駐
防操演似屬有益其應於何處駐劄設立幾營派兵若
干用船若干並如何製造船隻如何演習兵丁之處著
怡親王會同朱軾張廷玉蔣廷錫拉錫等議具奏

雍正三年八月二十六日

上諭前於天津蓋造倉廩原備截留漕米是以朕諭托時
等將湖北湖南之米截留二十萬石存貯天津托時因

天津縣志

卷之一 紀恩

三

奏天津倉廩地勢卑濕廩底須鋪墊乾草以隔潮氣昨
牛鈕奏稱墊草亦不免浥爛如此截留漕米無益前所
降諭旨截留之米可仍令抵通歸倉當時蓋造倉廩原
係李維鈞及地方官員經手乃並不相度高燥之地草
率營建著托時前往天津會同莽鵠立柯喬年詳審地
形或另擇高阜之處或將舊基培墊交與李維鈞親同
當時經手之員賠補修造卽著莽鵠立柯喬年監督工
程至於直隸州縣倉穀李維鈞曾奏虧空無多今歲秋
收卽可全補無缺今蔡珽奏稱清苑倉穀並無顆粒清
苑爲保定附郭之縣倉穀尙虧空如此則他處可知李

維鈞前此所奏不實著大學士會同刑部問明具奏又
蔡珽奏稱目下省城米價騰貴今令臬司浦文焯攜帶
腳價親至天津將截留漕米星速運三萬石量留沿途
被水之處以救眉急等語畿輔之地百姓艱食朕心深
爲軫念著托時到天津將漕米撥三萬石交與浦文焯
作速運去今歲近京一帶雨水較多恐此米尚不敷用
再令陳守釗將通倉變色米六成以上者撥十萬石交
與余甸蔡起俊動用腳價運至天津或平糶或賑濟應
運何處聽蔡珽調度余甸蔡起俊悉聽蔡珽指揮協助
賑恤朕念直隸地方低窪之處衆水積而不洩以致但
天津縣志

卷之一

紀恩

三

有水之害而無水之利疏濬之道不可不講已諭朱軾
張燦經理此事聞陝西潼商道王全臣在陝挑濬秦渠
熟習水利其在軍前歷年亦著勞績而年羹堯綽竒屢
次叅奏若非朕保全之伊早罹重罪矣可著王全臣來
京其潼商道員缺著松茂道孟以恂調補凡王全臣軍
前之事俱交與孟以恂料理王全臣卽著來京不必俟
孟以恂交代清楚朕另降旨與孟以恂其松茂道員缺
著岳鍾琪揀選題補

雍正三年九月初三日

上諭大學士等前因天津倉廩潮濕不能收貯米石故停

止截留今據蔡珽奏稱天津倉廩雖不能貯米可分發各州縣存貯以備賑濟請仍截留二十萬石等語戶部作速派賢能滿漢司官各一員前往天津會同倉場總督托時將河南小米截留二十萬石一面行文蔡珽令其酌量應貯米之州縣撥派官員於天津地方領運收貯備賑前李維鈞奏請賑濟一月朕思賑濟原不可拘定日期昨降旨修理城工春暖之時小民可藉以餬口但恐三冬未能接濟可行文蔡珽再賑濟三個月務令小民得所現今遣增壽等前往奉天採買米石運至天津卽行文伊等於米石之外採買高粱或十萬石或七八萬石一併運至天津於賑濟大有裨益爾等卽遵諭行

雍正三年十一月初一日

上諭大學士等今年直隸州縣被水小民乏食朕軫念殷切除截留漕米發給常平倉穀外又將通倉米六成以上者著托時陳守創親交余甸蔡起俊運赴天津分散賑糶於被水之州縣今朕訪得所發之米朽爛不堪現有米樣二種在此爾等共看其高者不過三四成低者全屬灰土朕軫恤災黎宵旰憂勞無時或釋乃托時等全不仰體朕心將此無用之米運給各處有名無實小

民何所資藉托時陳守劄等皆由小臣拔至卿貳不知感激朕恩爲朕愛養百姓殊爲可惡此次姑從寬免容其改過自新嗣後若再不實心辦事定嚴加治罪此已運成色米十萬石著賞給各處窮民再另發六成以上米十萬石令托時陳守劄余甸蔡起俊自備腳價運往天津再今歲秋季所發官俸兵糧米色俱不好嗣後若再如此亦必從重治罪康熙五十五年曾發通倉米五萬石分貯各州縣備用歷年已久聞俱陳腐甚爲有司之累著從寬豁免莽鵠立奏稱直隸按察司浦文焯修倉推諉朕曾詢問蔡珽據奏現有賑濟事務留浦文焯料理今賑濟已有頭緒浦文焯著解任修倉若辦理得好朕尙有任用之處倘仍前怠忽必加重處

雍正三年十一月二十七日奉

上諭天津衛設立水師前令戶部兵部工部會議遲延數月迨朕查問始行覆奏明係工部耽誤其逾限之處科道爲何不行查叅著大學士等將遲延之故查奏從前朕屢降諭旨期諸臣洗滌怠緩之習訓誡再三仍未悛改殊不能體朕勵精圖治之意凡速議事件與平常事件朕業已定有限期嗣後務遵定限議覆歸結倘事件之內有行查他處咨提人犯不能依限歸結者可於限

滿之日將情由寫明交送內閣奏聞如並無別項情由而逾限不結科道卽行查叅倘科道不行查叅著內閣都察院一併叅奏

雍正四年正月初三日

上諭發通倉足五成米十萬石運至天津照前交與天津道通水道爲七十五州縣加賑一月之用

雍正四年二月十一日

上諭直隸近京地方去歲被水歉收朕心軫念已疊沛恩膏毋使失所其覓食來京者又復增給米石添設飯廠俾窮民得以養給近因東作方興正令大臣等酌議設

天津縣志

卷之一

紀恩

三

法資送貧民回籍不使有誤春耕乃畿輔覓食之民前來京師者日衆是必傳聞京師加恩賑濟是以無知愚民希冀非分之望反舍其耕種之本業則大負朕綏輯窮黎之盛心矣况本地旣已散賑若實係窮民則已入本縣冊籍何以又遠赴京師其中不無假冒可卽傳諭順天府大興宛平二縣及近京地方文武官員將續來之民曉諭攔阻目今春氣和暖其有田可耕者則當乘時播種其無田可耕者則各處皆有工程或修堤岸或開水利正需人力以興土功伊等回籍就近傭工度日不致離棄鄉井轉徙外方實爲謀生善策可嚴切諭令

伊等知之并將此文直隸總督

雍正四年二月十三日

上諭據直隸總督蔡珽奏稱從前將通倉之米運至保定糶賣以濟民食今已糶完頃值青黃不接之時民間糶米艱難懇請再賜給發等語著卽行文倉場侍郎將七成以上之米速發二萬五千石照前運至天津交與蔡珽運往保定

雍正四年二月十五日

上諭戶部去秋北方多雨直隸所屬七十四州縣被水歉收朕心深爲軫恤疊沛恩澤加惠窮黎已將七十四州

天津縣志

卷之一 紀恩

三

縣被災田畝之錢糧照例蠲免其餘應徵額賦又復停徵在案朕思一省之中既有七十餘州縣收成歉薄則必有向鄰封隔縣謀生覓食之人當此青黃不接之時閭閻豈能充裕若仍照舊徵收錢糧民力輸將未免竭蹶用是特頒諭旨施恩於常格之外將雍正四年通省應徵額賦一體停其徵收俾民力寬舒各得用功於南畝以副朕勤恤民隱之至意爾部遵諭行

雍正四年三月十二日

上諭去歲畿南被水深軫朕懷雖截漕發粟賑糶頻施然猶恐小民甫經災沴之後無力供輸是以又特降諭旨

將雍正四年錢糧通省俱令緩徵夫今年錢糧尙有緩徵則從前未完之項豈有轉行急徵之理今聞地方官竟有仍追比前欠者漠視民瘼莫此爲甚深負朕憂念斯民之至意著傳旨直隸總督速飭各地方官凡一切舊欠錢糧一槩緩徵其所有兵餉工料各項需用之處俱動藩庫銀兩撥給不得短少扣剋如地方官仍有私徵等情一經查出定行從重治罪

雍正四年七月十五日

上諭據鄂爾奇繆沅奏稱直隸借糶倉穀弊端種種無非地方官巧爲掩飾虧空之計向來直隸倉穀虧缺甚多

天津縣志

卷之一 紀恩

三

朕知之甚悉各官惟恐敗露故設計彌縫詳請借糶李紱爲其所欺遂代爲題請且未經奉旨卽先爲散給及派員往查又轉停止覽鄂爾奇等所奏各官情弊顯然凡此等州縣官員若仍留原任將來假公濟私那新掩舊必至刻剝小民虧欠正項而地方倉廩始終不得清楚可將巧稱倉穀出借各官悉行解任著吏部將投供到部候補候選之州縣官俱帶來引見朕親自選定人數其鄂爾奇等已經到過之正定順德大名廣平保定五府所屬贊皇等二十二州縣著卽將揀選人員掣籤發往鄂爾奇等未到之永平宣化順天三府所屬之二

十一州縣俟伊等到彼查出有出借倉糧者卽咨吏部令籤掣人員前往代之以以上各州縣借出之穀俱著解任之官員自行催還以一年爲限限內全完者仍准卽行另補若先期速完者隨到隨卽另補若逾限不還者治以那移虧空之罪如此辦理則虧空之員不得復居現任挾制小民那移出納而接任之員交代井然又無前後不清之項若果係借欠在民按數催還其原官仍可另補於公私均有裨益李紱旣不能稽查屬員之巧飾虧空轉爲伊等欺朦具題代請又不候旨卽令各屬擅自給發甚屬不合著嚴飭行又鄂爾奇等奏稱阜平贊皇等處違例將穀借給兵丁向來有無借給兵丁之例著九卿察明具奏聞直隸各處倉廩久未修理傾圮者多此皆地方官漫不經心李維鈞不實心任事之故著李紱嚴飭各屬設法速爲修整

雍正四年八月初九日

上諭從來直隸江南兩省盜案多於別省雍正二年三年間李維鈞爲直隸總督節制提鎮遵朕諭旨嚴拏盜賊故直隸盜案因而甚少自去冬以至今春盜案復多若云因去秋水潦歉收所致何以彼時正當被災乏食之際不聞盜賊肆行偷竊至今春夏二麥豐收小民反爲

此犯法之事是必有爲首積盜糾合匪類巧於漏網各州縣被竊之處雖多而奸滑之盜首不過數人窩藏之巢穴亦不過數處而已畿輔之地爲四方觀瞻豈可聽宵小之潛藏任有司之疎忽昨朕特降諭旨從雍正五年爲始凡直隸盜案仍照舊例不分首從皆斬不准寬貸蓋除盜安民乃國家政事之要應加懲創李紱職司表率安可漠不經心可速飭屬員嚴加緝捕務令得其根柢以清盜源若仍前疎忽定將李紱治以重罪並諭直隸提鎮等官各飭屬員稽查防汎以靖地方毋得疎縱自干罪戾在京步軍統領衙門及巡捕營弁五城御

天津縣志

卷之一 紀恩

三

史及司坊官員各宜盡心訪緝以副詰奸弭盜之職

雍正四年九月十一日

諭戶部去年莽鵠立奏稱長蘆竈地久未清查以致民竈

爭控不已請將竈戶灘地從前售與民人者許其回贖如無力者仍許現在耕種之民收租納糧俟原業竈戶有力之日再行回贖等語比經九卿議覆准行近聞當年竈地轉售與民其年分久遠有百餘年者業主售主多半變更卽有子孫當時價值多寡亦俱遺失或有逃亡等戶更無從質問以致同姓影響之人彼此爭贖紛紛告許實滋煩擾若必俟原業竈戶有力之日回贖倘

或始終無力則此項地畝久久竟成民地亦非清查竈地之良法朕意以爲不若將竈戶賣與民人之地交易年近確有實據者令竈戶備價取贖其餘年久迷失之地所有爭告無憑詞狀該衙門俱行註銷凡民人所有竈地嗣後止許賣與竈戶永遠爲業如有仍轉行典賣與民者照盜賣官地律治罪永以爲例如此則數年之後竈地自漸歸於竈戶而無不清之弊矣爾部卽行文山東巡撫長蘆巡鹽御史遵照實心奉行

雍正四年十月十一日

上諭大學士九卿等直隸地方旗民雜處往往以強凌弱

天津縣志

卷之一 紀恩

三

勢力相加而謹樸良民常被欺壓因而相習於強悍之風不知悛改而風俗不能臻於淳厚朕勵精圖治欲四海之廣道德一而風俗同况輦轂之下首善之區尤當整飭化導以爲萬邦之式今欲將滿漢軍御史各差二員令其巡查八府地方凡旗下告退之官員及在屯之頭內監之族戚與在籍之鄉紳衿監倘有不安本分凌虐良民不畏官吏恣行暴悍者或卽行懲治或具本叅奏其地方命盜案件亦聽其查訪有應在本地方歸結者卽會同地方有司秉公歸結有應奏聞者卽行奏聞務使豪強斂跡良善安居以副朕移風易俗之至意

其如何遣官分巡之處爾等定議具奏

雍正四年十月十三日奉

上諭朕覽戶部奏銷本章見恩詔內賞給老人一項直隸各省七十以上至百歲以上老民老婦共一百四十二萬二千六百二十五名賞給絹布等件價銀共八十九萬餘兩米一十六萬五千餘石等語凡此老人但就民人而言如仕宦紳士商賈僧道皆不入此數之內洪範以壽居五福之首而昔人稱七十爲古稀誠以壽爲難得而可貴也乃今人老人之多至於如此皆由我

皇考聖祖仁皇帝六十餘年以來深仁厚澤休養生息凡山

天津縣志

卷之一

紀恩

三

陬海澨僻壤窮鄉無不沐浴

鴻慈涵濡大化太和翔洽壽國壽民所以期頤耄耋龐眉皓首之人至數百餘萬之多所謂老者以壽終幼孤得遂長者皆我

皇考之所賜也從此益加培養日積月累則民間之享高年介眉壽者更不知如何之衆矣此等老人躬際昌期年登上壽大抵皆居心忠厚力行善事之人卽或有一二年少時未盡醇謹者亦必中年暮齒能自新悔悟之人蓋一念修省卽荷

上天福佑也是國家有培養之恩而由本人能修善以祇承

之非倖而致之者也爾等百姓覩太平之盛事當歡欣鼓舞謹身修德以迓

天庥父與父言慈子與子言孝兄弟友恭夫婦和順比閭族黨之間相親相愛無詐無欺革薄從忠循分守法盡除乖戾之氣爲國家淳樸善良之民則

天地佑善錫福長享遐年此必然之理也但生齒日盛食指繁多則謀生之計不可不講爾等百姓當重農桑以順天時勤開墾以盡地利務本業以戒游惰謹蓋藏以裕久遠而且節省食用愛惜物力毋尙奢侈毋競紛華毋任意糜費以耗有用之財毋但顧目前而忘經久之計

朕以勤儉先天下宮禁之中於食餘之物皆不忍棄必
令人檢取收貯之數年以來所貯米粟已至數十石之
多朕臨御萬方尙多方撙節愛養以爲加惠元元之本
爾等小民安可縱口腹之所欲而忘物力之艱難乎爾
等誠能體朕諄諄訓諭之意敦善行則心體安務本計
則俯仰足惜財用則家室裕人心和樂風俗醇美同爲
壽考之人長享昇平之福豈非朕之所厚望哉著該部
將朕此旨轉發直省督撫通行所屬郡邑鄉村咸使聞
知

雍正四年十月十八日

諭直省督撫從前戶部春秋二撥歲底大撥之時各省俱
資緣求免撥解京餉以致藩庫錢糧虛收捏報掩飾彌
縫之弊不一而足自怡親王總理戶部以來凡事秉公
持正於撥餉一項皆斟酌地方遠近詳核錢糧多寡據
實預先奏朕定奪後方行分撥四年以來毫無假借各
省亦應曉然明白矣乃聞尙有愚昧之人私囑吏役暗
行賄賂以冀免撥其巧爲遷避者將實存數目不盡開
報蓋緣各省督撫身處遠方不能深悉戶部撥餉悉出
至公乃爲吏胥之所愚弄耳茲特曉諭各該督撫嗣後
春秋二季報冊務將藩庫所有實存銀兩悉行開報應
天津縣志

卷之一

紀恩

三

存應解靜候部撥並令該督撫等咸知吏胥斷不能弄
法增減切勿爲人所愚行賄請託朕旣經曉諭之後倘
再有犯者一經發覺將與受之人俱按律治罪決不寬
恕

雍正五年二月初六日

諭兵部水師甚屬緊要現今天津設立水師滿洲官兵操
練學習其江寧駐防滿洲官兵亦應照天津水師之例
設立水師令其操練鎮江水師現有船隻將此船內酌
量撥給江寧將軍令其學習操練至如何操練應撥給
船隻若干或船隻不敷作何添造之處爾部一併定議

具奏

雍正五年四月二十九日

上諭八旗大臣內務府總管直隸州縣緝拏盜每踪跡察訪至內府莊頭之家而莊頭等護庇不令捕役進家搜捕以致直隸逃人盜案不能絕跡此皆由內府莊頭藏匿之故再八旗在屯居住人等多係不思上進怠惰浮薄之輩在屯閒居不守法度竟有窩藏逃盜欺凌百姓好事妄爲者此等內府莊頭並在屯與民人雜處之旗人若不嚴加約束必至妄生事端八旗都統內務府總管等行文直隸總督及巡察御史嗣後內府莊頭

天津縣志

卷之一 紀恩

三

及鄉居旗人家中有窩藏逃盜者地方官差役搜捕有抗拒者卽將窩家一併拏究再或不守本分酗酒生事妄爲者該地方官卽行詳報總督若係旗人由總督移咨該旗係內府莊頭移咨內務府該旗及內務府將應行辦理者卽行辦理應行拏送者卽行拏送其總督移咨爾等事件每月彙題一次以備朕之詢問其移咨爾等事件若有遲延以致違悞者將爾等治罪若地方官徇隱不行詳報總督或已詳報總督而總督不行移咨各該管處者被巡察御史查出題叅將不行詳報之州縣及不移咨之總督一併嚴加議處巡察御史徇隱

不行查叅或別案發覺或經朕訪聞務必重治其罪如此立法則內府莊頭及居鄉旗人各知警戒畏法守分而直隸地方窩藏逃盜之弊可清於鄉居旗人百姓亦大有裨益矣

雍正五年七月十二日

上諭派出那蘇圖傅泰班第每人帶銀二萬兩前往直隸地方有應散賑之處卽行賑濟務令窮民得所

雍正五年十月十六日署直隸總督宜兆熊等題請緩征被水各屬州縣錢糧奉

上諭朕念直隸近水低窪之處易於被水用沛特恩遣官

天津縣志

卷之一 紀恩

三

發帑加意賑恤此乃格外惠及窮民之意至於被水之處仍應勘明分數題請照例蠲恤不得因已經遣官發帑遂不照定例遵行並諭別省知之

雍正六年正月二十一日巡察御史楊保等叅奏天津旗兵喧鬧公堂奉

上諭天津新設營兵豈容在地方生事此風斷不可長著內大臣侯陳泰刑部尙書德明前往天津將一千人犯嚴加審訊務將實情究出分別定擬具奏都統公鄂齊來京時亦當委員管束兵丁何以疎縱至此著將鄂齊及該管官員俱交與陳泰德明嚴察議奏

雍正六年正月二十二日

上諭雍正二年朕卽諭李維鈞云聞得直隸滄州地方有偷鑄私錢之匪類應嚴行查拏李維鈞回奏已經嚴查該地方並無私鑄保奏甚力今步軍統領阿齊圖奏稱本月內准內務府咨稱番役因公事前往滄州拏獲私鑄之回紇劉七等移送前來隨差千總姜進祿帶領番役前往滄州將私鑄之夥黨悉行拏獲並獲鑄錢器皿等語觀此則滄州奸民私鑄之弊由來已久而地方大吏漫無覺察今始敗露阿齊圖差官將匪類夥黨俱卽捕獲不使漏網甚屬可嘉著將阿齊圖及所差官弁交

天津縣志

卷之一 紀恩

三

部議敘番役著加賞資其私鑄一千人犯交刑部嚴審定擬具奏夫私鑄錢文大干法紀且私鑄不息則錢法不能畫一而銷燬制錢等弊皆由此而生何以便民間之用此事大有關係畿輔近地尙有此等奸民則各省遠方難保必無此弊著通行曉諭再嚴加申飭倘直省督撫中如有似此疎縱不肯實力查拏者朕留心訪察密差京員緝捕若一經察出必將該督撫照溺職例處分

雍正六年七月初二日 怡賢親王叅奏水利効

力主簿梁文中奉

上諭凡興修河渠田畝等事朕意本欲惠養斯民爲地方
永賴之利然使差往人員等奉行不善則轉爲閭閻之
擾從前屢降諭旨甚明前聞直隸工員內有因營治稻
田拔去民間已種豇豆之事因諭令怡親王確查今據
怡親王等查得候選主簿梁文中在薊州地方營治水
田逼迫民人路中惠等將現種豇豆拔去毀壞是實具
摺叅奏梁文中不行曉諭於事先乃將已成之禾稼逼
令拋棄違理妄行不遵諭旨顯欲阻撓政事非無心錯
悞可比甚屬可惡該巡察御史苗壽陶正中何以不行
查叅梁文中所犯旣實不必交與該督再審著革去職
天津縣志

卷之一

紀恩

三

銜卽於工所枷號示衆候旨發落其所毀壞豇豆著於
梁文中名下照數追出價值賠還本人並將此通行曉
諭在工人員知之

雍正六年十月十四日

上諭戶部直隸爲首善之地今歲春麥秋禾但登豐稔民
人樂業朕心深慰但地方有歷年帶徵之錢糧若令閭
閻之間新舊並納雖逢豐稔之歲而民力未必寬然有
餘因思歷年帶徵之項乃頑戶之所拖欠也明年額徵
之項乃衆民之所輸將也若欲使小民共被恩澤惟有
將明年之賦預行蠲免則比戶可以均霑查直隸額徵

地丁等項二百四十三萬餘兩本地支銷俸工及兵餉
驛站等項應給銀二百零二萬兩其應起運者計四十
一萬七千八百九十兩著將雍正七年額徵錢糧內蠲
免四十一萬七千八百九十兩爾部可確查分數行文
該督通行所屬州縣一體敬謹遵奉以副朕愛養黎元
加惠畿輔之至意倘官吏等私自多徵朦混中飽或地
棍等包攬侵蝕作弊藏奸又或有司奉行不善使百姓
不得均霑實惠經朕訪聞必重治其罪並將總督司道
等嚴加處分

雍正七年閏七月二十九日

天津縣志

卷之一

紀恩

三

上諭聞直隸地方有寄莊寄糧之弊往往地寄此處糧寄
他處相隔百餘里或數百餘里之遠卽如宣化府懷安
一縣有人地俱在懷安而寄糧於宣化萬全者有人地
俱在宣化萬全而寄糧於懷安者更有現在懷安納糧
而寄地於順天府之寶坻豐潤三河相隔五百餘里者
在徵糧者則鞭長莫及而寄地者則彼此無關脫漏欺
隱之弊勢所不免地方有司實難稽察催徵朕之所聞
如此著直隸總督詳細確查若果有此等應作何更正
改隸之法著該督悉心妥議具奏再直省如有似此寄
莊寄糧者該督撫亦詳查酌量定議具奏

雍正七年十二月十七日

上諭天津水師營兵丁錢糧前經部議每月定爲一兩五錢朕近聞得兵丁用度稍有不敷已降旨加爲每月二兩浙江乍浦水師營兵丁亦應一體加恩其新拔之兵丁等每月支銀一兩五錢者著照天津之例加爲二兩於雍正八年正月爲始著該部行文浙江總督等遵諭施行

雍正九年四月

上諭天津一帶民間漁船專以販魚爲業每年穀雨以後芒種以前是其捕魚之期亦猶三農之望秋成也若此

天津縣志

卷之一 紀恩

四

時稍有耽誤則有妨小民一年之生計矣目今天津運往山東積貯之米糧皆僱覓漁船裝載然亦當遂小民之情願若因運糧而妨捕魚之期未有因濟山東之百姓而先妨直隸民生之理着直隸總督天津總兵官速飭辦理糧務人員就近酌量此時不可強僱漁船致令失業此係積貯備用之米石俟過芒種以後再行運送亦未爲遲當事者總不實心籌畫辦理甚屬溺職該部可卽速行文傳諭知之將朕諭遍行曉諭特諭

雍正十三年二月初十日奉

上諭朕聞得河工官員每於裝運工料差役封捉船隻而

所差胥役卽藉端封捉商船生事騷擾及至三汛搶工則口稱裝運緊急物料百般需索甚至將重載之客船勒令中途起貨以致回空商船聞風藏匿裹足不前旣於客商擾累且於關稅虧少查河工裝運物料原有額設浚船卽使搶築之時浚船或不敷用祇應僱募本地民船協濟運送原不必封捉客船阻遏商旅著河道總督飭行所屬河員嚴行查禁如該役等陽奉陰違仍前勒索卽將該員題叅議處欽此

雍正十三年九月二十三日

上諭各省民欠錢糧十年以上者已於恩詔內概予蠲

天津縣志

卷之一 紀恩

四

免其餘未完民欠尙係應征者朕思纘緒方初惟當繼述我

皇考惠養黎元之至意俾服疇力穡之人均沐恩膏積逋全釋若未蠲之項尙事征收民間不無煩擾茲特再行降旨於恩詔外將雍正十二年以前各省錢糧實欠在民者一併寬免從前江南積欠錢糧內曾有官侵吏蝕二項乃從民欠中分出者比時差往大臣官員辦理原不妥協亦着照民欠例寬免此朕仰體

皇考誠求保赤之仁深願吾民厚生正德之意各省軍民人等身受國恩至渥自應感動天良屏除陋習明守

法奉公之大義循則壤成賦之常經共爲良民免迫呼之擾累倘疲玩性成不知俊改則是吾民中最爲愚頑之人旣無畏威之念亦鮮懷德之心國法具在朕亦不能爲之寬貸也爾等卽交部遵行欽此

雍正十三年十二月十八日奉

上諭河防隄岸閘壩等項一切工程凡有關運道民生者定例俱動正項錢糧應用乃各省竟有於田畝捐派者豈皆出自小民之願大都上司因節省錢糧起見授意屬員爲粉飾之計相沿日久官吏藉端爲苛索民間所費必至數倍不特苦累民生亦於國計無

天津縣志

卷之一

紀恩

三

補朕聞山東省挑挖運河每年有派帮民夫工食銀五萬三千四百餘兩江南松江海塘歲修有每畝捐錢五文京口挑挖運河每年於蘇松常鎮太等府州照額徵漕糧正耗米協解銀三千八百餘兩蘇松常鎮太通六府州應修河渠閘壩令長洲等三十三州縣按畝派錢五文三二文不等以供大修并令每畝又酌量捐錢以爲歲修堤堰令每畝派銀一二釐不等直隸運河挑淺於天津等州縣每畝帮銀一釐以上各款總於田畝正賦之外派令捐輸合計捐數共十餘萬兩而官吏之藉端苛派必不止於此者正

帑之所省有限官吏之中飽無窮著該部行文四省督撫卽將該省捐輸各項於乾隆元年爲始一槩革除仍嚴飭所屬官吏無得私行徵派以爲民困其挑挖運河等項工程需用銀兩著該督撫核實奏明於公項內酌量動用報部核銷欽此

乾隆二年四月十八日

上諭今年春夏以來京師及畿輔雨澤稀少而山東地方亦有缺雨之郡縣朕已屢降諭旨多方籌畫以爲先事之備今思節近小滿甘霖未降麥秋料已失望民心未免惶懼除已經降旨緩征外着將直隸通省今年應徵地丁錢糧蠲免七十萬兩山東通省今年應徵地丁錢糧蠲免一百萬兩俾民力寬舒民氣愉暢如將來仰蒙

天佑霖雨普施秋成不致歉薄則閭閻霑朕格外之恩亦加惠元元之誼所謂百姓足君孰與不足者也嗣後如得雨稽遲有妨農事則應行賑恤等事仍應加意辦理毋使一夫失所該督撫當仰體朕宵旰焦勞惠普黎庶之心督率有司敬謹奉行務使小民均沾實惠并出示通行曉諭知之欽此

乾隆二年七月初二日

上諭今年春夏之交直隸山東兩省雨澤愆期二麥歉收朕已多方籌畫接濟民食且令直隸總督李衛查有應興工作俾小民得藉營繕以餬其口今思山東民人多仗二麥度日今歲麥秋收穫既薄雖屢降諭旨蠲賑平糶誠恐閭閻尚有艱食之虞着巡撫法敏悉行計議如開渠築堤修葺城垣等事酌量舉行使貧民傭工就食兼贍家口庶可免於流離失所也再年歲豐歉難以懸定而工程之應修理者必先有成局然後可以隨時興舉一省之中工程之最大者莫如城郭而地方以何處爲最要要地又何處爲當先

天津縣志

卷之一

紀恩

四

應令各省督撫一一確查分別緩急預爲估計造冊報部將來如有水旱不齊之時欲以工代賑者卽可按籍而稽速爲辦理不致遲滯於民生殊有裨益并將此諭通行各省督撫知之欽此

乾隆二年閏九月十六日

上諭今年夏秋間有小琉球國中山國裝載粟米棉花船二隻遭值颶風斷桅折柁飄至浙江定海象山地方隨經大學士稽曾筠等查明人數資給衣糧將所存貨物一一交還其船隻器具修整完固各赴閩省附伴歸國朕思沿海地方常有外國船隻遭風飄至

境內者朕胞與爲懷內外並無歧視外邦民人既到中華豈可令一夫之失所嗣後如有似此被風飄泊之人船着該督撫督率有司加意撫恤動用存公銀兩賞給衣糧修理舟楫並將貨物查還遣歸本國以示朕懷柔遠人之至意將此永著爲例欽此

乾隆三年二月二十八日奉

上諭上年畿輔之地收成歉薄日下雨澤又未均沾以致米價日漸昂貴朕心憂慮籌畫多端已屢降諭旨矣今聞近省商賈米船亦陸續漸至若販運日多則小民可無乏食之虞而商民亦收貿易之利所當格

天津縣志

卷之一 紀恩

罍

外加恩俾其踴躍從事者着將臨清天津二關米豆之船免其納稅至通州張灣馬頭等登陸處所舊有米石雜糧落地稅銀亦着免徵俟二麥收成之後米價平減再照舊例徵收該督撫及司權官員可卽出示通行曉諭俾遠近商賈咸知朕免稅之恩旨并嚴禁不肖官吏暗中需索等弊以副朕通商惠民之至意欽此

乾隆三年八月二十七日奉

上諭今年直隸各州縣收成豐歉不一米價未免稍昂而奉天山東二處年歲俱獲豐收從來隣近省分必

須商賈來通以豐濟歉則需穀者既得以餬口而糶
販者又藉以營生殊屬兩便之道但奉天山東俱屬
海濱地方官吏因有禁米出洋之例未肯任從民便
用是特頒諭旨奉天山東沿海地方商賈有願從內
洋販米至直隸糶賣者文武大員毋得禁止但商賈
米船放行之時該地方官給與印票仍行文知照直
省總督其沿途巡海官弁亦時加查驗毋令私出外
洋米船既抵天津卸米之後直隸地方官給與回照
仍行文知照奉天山東兩省俾米穀流通以副朕軫
恤民瘼一視同仁之意該部卽行文奉天將軍府尹

天津縣志

卷之一 紀恩

吳

山東巡撫知之欽此

宸翰

聖祖仁皇帝御製九河故道說

幾暇格物篇云九河故道漢唐宋諸家之說不一或謂
在濟南境內或謂遠界永平而酈道元謂九河苞淪於
海以朕揆之其九河入海之處在今天津之直沽而九
河故道不出滄景二三百里間也蓋水性就下今南北
之水以天津爲尾閭地最窪下雖數千百年中或陵谷
變遷而其高卑大勢南北定位有必不可易者卽以禹
貢之文考之可以斷矣禹貢曰至於大伾北過泲水至

於大陸又北播爲九河疏云大伾屬魏郡黎陽泒水在信都大陸澤名夫黎陽今之濬縣信都今之深州大陸澤在今之束鹿界而河間在濬縣深州束鹿之北故曰又北也又九河旣道疏云平原以北平原今德州境言德州以上也漢書溝洫志許商云九河之名有徒駭胡蘇鬲津在成平東光鬲界中此三地今皆屬河間杜氏通典云鈞盤在景馬頰覆釜在趙郡景卽景州趙郡今涿易南所謂燕南趙北也輿地記云簡河在臨津金史地理志云南皮縣有潔河太史河傳志所載九河故道之在河間境也又豈不彰明備著乎則天津爲同爲逆

天津縣志

卷之一 紀恩

七

河入海之道無疑矣河自周定王時已南徙九河故跡亦漸湮廢後人不能深究地勢多穿鑿傳會其指在濟南者旣失之過南其指在永平者又失之過北而鄭康成據緯書謂齊桓公填塞八河以拓疆界其說益滋譌謬耳凡人讀書能正據經文考以古今形勢則諸家之說自有折衷夫河間古郡稱名已久其所以謂之河間者以其在九河之間也顧名思義又可知矣

聖祖仁皇帝御製天津海神廟碑文

朕昔巡歷天津詢知直沽海口去盛京數百里舟航泛涉實利轉輸廼者奉錦兩郡歲穀不登兵民乏食深厯

朕懷而陸運之程踰山越谷曠日爲勞厥惟創興海運
斯足拯濟民生爰命學士陶岱往蒞其事酌撥倉粟運
以巨艘出直沽之口東指遼海篙師櫂卒并力一心波
濤不興天日清皎祥飈遄送帆槳如馳甫三日卽達盛
京賑給所暨周徧窮簷俾此京輔之邦咸與遂生樂業
則惟爾海神有靈克相朕以臨茲兆庶也朕惟望秩之
典國有常祀而非常之功尤宜報享天津東舊有海神
廟今特命工庀材重加營建朱甍碧瓦規制崇宏庶幾
鑒茲悃忱益加祐助豈惟予一人惠鮮之意藉以有成
將盛京世世軍民皆得邀神貺於勿替也是用揭諸穹

碑表神之功德以垂示永久焉康熙三十六年七月吉

旦臣允祉奉

敕書

世宗憲皇帝御製海神廟碑文

天津直沽口海神夙著靈應

皇考時以盛京歲偶不登命泛舟輸粟出直沽口浮於遼海
達於奉天惟神効祥三日而至

皇考嘉悅爲神立祠製文勒石昭美報也朕嗣膺大統輯寧
兆庶凡天神地祇能爲我民禦災捍患者咸稽舊典加
封秩祀况海爲百谷王沐日浴月出雲興雨品物遂生

其利益於民甚溥而神之降福茲土昭明顯融歷有年
所又朕心所敬禮者也既崇封號以答神休爰敕有司
載新祠廟更立豐碑垂示久遠神其益降嘉祥舟航以
通風雨時若永惠我民則朕有厚望焉雍正四年六月
吉旦和碩誠親王臣允祉奉
敕敬書

聖祖仁皇帝御製詩

天津

轉粟排千艦分流納九河潮聲連海壯樹色入京多鼓
楫魚龍伏停帆鶴鶴過津門秋望遠明月湧金波

天津縣志

卷之一 紀恩

晃

水淀雜詩四首

輕舟十里五里垂柳千絲萬絲忽聽農歌起處滿村紅
杏開時

春水船行天上冷風雨過田家深樹幾聲布穀晚晴千
縷明霞

銜泥雙燕沙際喚雨單鳩樹頭昨夜桃花新水鯉魚躍
入蘭舟

爲愛沙明水遠更看柳躡花新草木禽魚咸若河山民
物同春

天津

河柳絲絲變嫩黃海門遙望色微茫賈航商舶連檣至
貢費時看集萬方

前過江浙桃花已放今回鑿至津門復見桃花盛
開調寄點絳唇

再見桃花津門紅映依然好回鑿纔到疑似兩春報
錦纜仙舟星夜眇辰曉情飄渺艷陽時媚不是垂楊老
聖祖仁皇帝御書

康熙三十七年

賜海神廟正殿匾

靜洪波

天津縣志

卷之一 紀恩

五

賜觀音閣匾

潮音清梵

賜水母殿匾

涵育

賜對聯

香塔魚山下

禪堂雁水濱

康熙四十八年

賜孤雲寺匾

康熙五十八年

賜海光寺匾

隨處潮音

賜對聯

水月應從空法相

天花故落映星龕

今皇帝乾隆元年

御書望海寺匾

瀛壖慈蔭

恭紀

聖祖仁皇帝巡幸盛典

天津縣志

卷之一 紀恩

三

康熙八年十一月初一日

駕蒞天津駐稍直口入西門出北門諸生跪迎者

溫語諭之并問民間疾苦於

行殿中召試按察司僉事天津道毛壽登明日渡河觀

打魚

康熙二十四年二月二十七日

駕蒞天津幸

乾清宮總督五廠王之俊宅

賜卧松雲匾

康熙三十三年五月

駕蒞天津觀海遂幸王之俊宅

賜詩

康熙三十七年

駕蒞天津命總兵潘育龍閱兵於演武場多所

賜賚

康熙四十四年

駕蒞天津從楊青驛御舟南巡道旁士民咸

賜克食

臣按天津衛志雖有前明成祖臨幸說而事無可

傳

天津縣志

卷之一 紀恩

三

昭代定鼎以來恭遇

聖祖仁皇帝方行清問求莫時勤

巡歷所至膏雨優渥瀕海偏隅得四瞻

雲日閱兵觀海典重疆圉士庶林林盡茹

帝德閱今數十年父老猶傳為美談謹即見聞所及列之

篇首以昭

聖模若夫鼓棹停帆沙明水遠蘭舟賦杏錦纜吟桃

寶翰琳琅實屬斯土前已恭紀

宸章茲不敢瀆載

天津縣志卷之一 終

紀

恩續志

乾隆四年五月 日

上諭上年直隸米糧騰貴曾降諭旨使商賈等將奉天米石由海洋販運以濟畿輔民食以上年爲期今弛禁之期已滿而京師雨澤未降恐將來民間不無需米之處聞奉天今歲收成頗稔着再寬一年之禁商賈等有願從海運者聽其自便可行文直隸總督奉天將軍等知之欽此

乾隆四年十月二十日

上諭乾隆三年直隸地方歉收米價昂貴朕降旨准商賈等將奉天米石由海洋販運畿輔米價得以漸減今年四月間以弛禁一年之期將滿而直隸尚在需米之際天津等處價值未平又降旨寬限一年民頗稱便朕思奉天乃根本之地積貯蓋藏固屬緊要若彼地米穀有餘聽商賈海運以接濟京畿亦裒多益寡之道於民食甚有裨益嗣後奉天海洋運米赴天津等處之商船聽其流通不必禁止若遇奉天收成平常米糧不足之年該將軍奏聞請旨再申禁約欽此